


## შპს „საქართველოს აეროპორტების გაერთიანება“



ქსელური უსაფრთხოების მოწყობილობის, კერძოდ, „ახალი თაობის ფაერვოლის (NGFW)” თანმდევი დანერგვისა და გამართვის მომსახურებით შესყიდვის ელექტრონული პროცედურის

### დოკუმენტაცია

წინამდებარე დოკუმენტაცია შედგენილია შპს „საქართველოს აეროპორტების გაერთიანების“ მიერ საქონლისა და მომსახურების შესყიდვის სპეციალური წესის დამტკიცების შესახებ საქართველოს მთავრობის 2020 წლის 18 სექტემბრის №587 დადგენილების საფუძველზე

ქ. თბილისი  
2022 წელი

## სარჩევი

- ტექნიკური დოკუმენტაცია;
- ხელშეკრულების პროექტი;
- დანართი N1 ფასების ცხრილი;
- დანართი N2 ელექტრონული პროცედურის წინადადების უზრუნველყოფის გარანტია.

## ტექნიკური დოკუმენტაცია

შესყიდვის ობიექტია - შპს „საქართველოს აეროპორტების გაერთიანების“ კიბერუსაფრთხოების დონის ამაღლებისთვის, ქსელური უსაფრთხოების ინფრასტრუქტურის განახლების მიზნით, 3 (სამი) ერთეული „ახალი თაობის ფაერვოლის (NGFW)” შესყიდვა თანმდევი დანერგვის და გამართვის მომსახურებით.

### 1. ტექნიკური დავალება

#### 1.1. თითო NGFW-ის ფიზიკური მახასიათებლები:

- 1GE RJ45 პორტი: არანაკლებ 12;
- 1GE RJ45 Management: არანაკლებ 1;
- HA პორტი: არანაკლებ 1;
- 1GE SFP სლოტი: არანაკლებ 6;
- 10 „GE SFP+ სლოტი: არანაკლებ 2;
- USB პორტი: არანაკლებ 1;
- კონსოლის პორტი: არანაკლებ 1;
- მეხსიერება SSD: არანაკლებ 240GB.

#### 1.2. სისტემის შესაძლებლობები:

- NGFW მაქსიმალური გამტარუნარიანობა : არანაკლებ 3 Gbps;
- IPS მაქსიმალური გამტარუნარიანობა : არანაკლებ 5 Gbps;
- ერთდროული სესიები (TCP): არანაკლებ 3,000,000;
- ახალი სესიები/წაშში (TCP): არანაკლებ 280,000;
- Firewall-ის პოლიტიკის რაოდენობა: არანაკლებ 10,000;
- IPsec VPN გამტარუნარიანობა (512 byte) : არანაკლებ 13 Gbps;
- SSL-VPN გამტარუნარიანობა: არანაკლებ 2 Gbps;
- პარალელური SSL-VPN იუზერების რაოდენობა: არანაკლებ 400;
- Site-to-site IPsec VPN Tunnels: არანაკლებ 2000.

#### 1.3. აუცილებელი ფუნქციები:

- ვებ ფილტრაცია;
- აპლიკაციების კონტროლი;
- მავნე პროგრამების გაფართოებული დაცვა (AMP);
- აუდიო და ვიდეო ფილტრაციის სერვისი;
- ანტი სპამის სერვისი;
- უსაფრთხოების რეიტინგის სერვისი;
- High Availability: აქტიური-აქტიური;
- Wan Failover. მტავარი ინტერნეტ ლინკის გატიშვის შემთხვევაში მეორად ლინკზე გადართვის ავტომატური ფუნქცია;
- აუცილებელი პროტოკოლები: OSPF, Ipsec;
- შემოთავაზება უნდა მოიცავდეს მინიმუმ ერთ ვირტუალური მენეჯმენტის სისტემის ლიცენზიას, საიდანაც შესაძლებელი იქნება ფაიერვოლების ერთიანი მართვა, უსაფრთხოების პოლიტიკების შექმნა და მოვლენების ცენტრალურად შენახვა. მხარდაჭერილი უნდა იყოს vmware გარემოში სისტემის ინსტალაცია.

#### 1.4. ზომები და კვება

- ფორმ-ფაქტორი სტანდარტული: 19” არაუმეტეს 2 RU;
- AC კვების წყარო: არანაკლებ 220 და არაუმეტეს 240 AC;
- სარეზერვო კვების ბლოკი: აუცილებელია.

## 1.5. ლიცენზიები და მომსახურება

- ყველა აღნიშნული ფუნქციონალის შემცველი სერტიფიკატები არანაკლებ 1 წლის ვადით;
- შესყიდული საქონლის დამკვეთისთვის მიწოდების დღიდან მომწოდებელმა უნდა უზრუნველყოს მოწოდებული ფიზიკური მოწყობილობების და სისტემის მონტაჟი და გამართვა არაუმეტეს 3 თვის ვადაში ორ სხვადასხვა ლოკაციაზე, ქუთაისის საერთაშორისო აეროპორტში და თბილისის სათაო ოფისში;
- სისტემის გამართვაში იგულისხმება:
  - ფიზიკური მონტაჟი;
  - სისტემის არსებულ კომპიუტერულ ქსელში ინტეგრაცია და Start-up ინსტალაცია: IP addressing, Routing, NTP, DNS;
  - ლიცენზიების გენერაცია და ფაიერვოლების აქტივაცია;
  - საჩვენებელი 10 პოლიტიკის შექმნა და ფაიერვოლებზე მათი ინსტალაცია;
  - ცენტრალური მენეჯმენტის სისტემის ინსტალაცია ვირტუალურ გარემოში;
  - ფაერვოლების ინტეგრაცია ცენტრალურ მენეჯმენტის სისტემაში;
  - HA და WAN Failover ან ანალოგიური ფუნქციონალის გადაწყვეტების გამართვა შემსყიდველის მოთხოვნის შესაბამისად;
  - ფაიერვოლების ინტეგრაცია ცენტრალურ მენეჯმენტის სისტემაში;
  - IPS და AMP/ანტივირუსი ან ანალოგიური ფუნქციების გამართვა;
  - შემსყიდველის მოთხოვნის შესაბამისად.

## 1.6. მოთხოვნები მომწოდებლის მიმართ:

- პრეტენდენტის შემოთავაზება უნდა მოიცავდეს სისტემების ფუნქციონირებისათვის აუცილებელ ყველა აპარატულ მოწყობილობას, პროგრამულ უზრუნველყოფასა და მათ ლიცენზიებს, ასევე 1 (ერთი) წლიან ტექნიკურ მხარდაჭერას;
- ტექნიკური მხარდაჭერა გულისხმობს სისტემის პროგრამული ნაწილში ხარვეზის აღმოფხვრას ან დამკვეთის მოთხოვნით ცვლილების შეტანას სისტემის გადმოხარების (მიღება-ჩაბარების გაფორმების) დროს არსებულ კონფიგურაციაში. ამასთან, ცვლილება არ უნდა გულისხმობდეს დამატებით მოდულის ან ლიცენზიის შეძენას. საჭიროების შესაბამისად ტექნიკური მხარდაჭერა უნდა განხორციელდეს დაშორებული წვდომით და/ან სატელეფონო საუბრით და/ან ელექტრონული მიმოწერით. ტექნიკური მხარდაჭერა უნდა განხორციელდეს წელიწადის ნებისმიერ დღეს(შაბათ-კვირის ჩათვლით) 8 სამუშაო საათის(ადგილობრივი დროით) განმავლობაში;

## 2. პრეტენდენტის მიერ სისტემაში უნდა აიტვირთოს შემდეგი სახის დოკუმენტები:

2.1. შესყიდვის ელექტრონული პროცედურის წინადადების უზრუნველყოფის გარანტია შესყიდვის ობიექტის სავარაუდო ღირებულების 5%-ის ოდენობით (შესაძლებელია გაცემულ იქნეს, როგორც საბანკო, ისე სადაზღვევო დაწესებულების მიერ), რომლის მოქმედების ვადა უნდა იყოს არანაკლებ 120 კალენდარული დღე წინადადების მიღების დაწყების დღიდან;

*იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება ტექნიკური დოკუმენტაციის მოთხოვნათა სრული დაცვით წარმოდგენილი გარანტია, პრეტენდენტის შემოთავაზება არ განიხილება და კომისიას შეუძლია, მიმართოს წინადადების ყველაზე დაბალი ფასის მქონე მომდევნო პრეტენდენტს.*

2.2. წინადადების ფასი დანართი N1-ის მიხედვით. ერთეული ფასები წარმოდგენილი უნდა იქნას სისტემაში ატვირთული ფასების ცხრილების შესაბამისად. ფასი უნდა მოიცავდეს შესყიდვასა და მიწოდებასთან (მონტაჟთან) დაკავშირებულ ყველა ხარჯს (დღგ-ს გარეშე).

2.3. მომწოდებელმა დარგის კომპეტენციის დასადასტურებლად უნდა წარმოადგინოს არანაკლებ 3 განხორციელებული პროექტი უახლოესი 5 წლის განმავლობაში Firewall-ის ან/და NGFW გადაწყვეტის მიწოდება-გამართვაში.

2.4. მომწოდებელმა უნდა წარმოადგინოს შემოთავაზებული პროდუქციის მწარმოებლის ავტორიზაციის ფორმა(MAF).

2.5. მომწოდებელმა უნდა წარმოადგინოს შემოთავაზებულ პროექტზე მომუშავე ინჟინრის ქსელური უსაფრთხოების დარგში საკმარისი კომპეტენციის დამადასტურებელი დოკუმენტ(ებ)ი. კერძოდ, არანაკლებ 2 შესრულებული პროექტი ქსელური უსაფრთხოების დარგში, რაც დადასტურდება შემსრულებელი კომპანიის

წერილის საფუძველზე ან წარმოდგენილი უნდა იქნას ქსელური უსაფრთხოების სფეროში აღებული საერთაშორისო სერტიფიკატი.

*შენიშვნა: 2.3 პუნქტის დადასტურების მიზნით, პრეტენდენტმა სისტემაში უნდა ატვირთოს შესაბამისი ხელშეკრულებების ასლები და ამ ხელშეკრულებით განსაზღვრული სამუშაოების დასრულების დამადასტურებელი დოკუმენტის ასლები (მიღება-ჩაბარების აქტი, ან/და დამკვეთის მიერ გაცემული შესრულებული სამუშაოს დამადასტურებელი წერილი). თუ გამოცდილება მოიცავს სახელმწიფო შესყიდვის ხელშეკრულებას, პრეტენდენტს შეუძლია, დოკუმენტების ატვირთვის ნაცვლად, მიუთითოს შესაბამისი შესყიდვის (ტენდერის თუ სხვ.) SPA და CMR ნომრები, რათ შემსყიდველი თავად გაეცნოს დოკუმენტებს სახელმწიფო შესყიდვების ელექტრონულ სისტემაში*

### **3. საგარანტიო ვადა და პირობები:**

3.1. შესყიდვის ობიექტის საგარანტიო ვადა შეადგენს შესყიდვის ობიექტის საბოლოო მიღებიდან არანაკლებ 1 წელს. საგარანტიო მომსახურების ვადის ათვლა დაიწყება მიღება-ჩაბარების აქტის გაფორმებიდან.

3.2. „მიმწოდებლის“ მიერ მოწოდებული საქონელი უნდა იქნეს იმ გარანტიით, რომ შესყიდვის ობიექტი საგარანტიო ვადის პერიოდში, სწორი მოხმარების პირობებში არ გახდება უვარგისი ექსპლუატაციისათვის და შეინარჩუნებს კარგ საექსპლუატაციო თვისებებს. შესყიდვის ობიექტს არ უნდა გააჩნდეს ნივთობრივი ნაკლი.

3.3. მიწოდებული შესყიდვის ობიექტის საგარანტიო ვადის მოქმედების პერიოდში ხარვეზის, არაშემსყიდველის ბრალეულობით დაზიანების და დეფექტის მქონე საქონლის, მათ შორის საექსპლუატაციო თვისებების ვადაზე ადრე გაუარესების დაფიქსირების შემთხვევაში, შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან საქონლის შეცვლა ახლით. აღნიშნულის შესახებ „შემსყიდველი“ ატყობინებს „მიმწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით), მიმწოდებლის ელექტრონულ სისტემაში მითითებულ რეკვიზიტებში მითითებულ ელ. ფოსტის მისამართზე.

3.4. მიმწოდებელმა საგარანტიო მომსახურების საჭიროების შემთხვევაში პირველადი დიაგნოსტიკური შემოწმება და შეკეთება ან საჭიროების შემთხვევაში ახლით შეცვლა უნდა განახორციელოს შეტყობინებიდან არაუგვიანეს არაუგვიანეს 45 კალენდარული დღისა.

3.5. მხარეთა შეთანხმების გაგზავნის მომდევნო დღიდან აითვლება წუნდებული საქონლის ხარვეზის გამოსწორების ან შეცვლის შემსყიდველთან შეთანხმებული გონივრული ვადა.

### **4. წინადადების ფასი და ანგარიშსწორების პირობები:**

4.1. საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით (დღგ-ს გარეშე).

4.2. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

4.3. არარეზიდენტის შემთხვევაში, შესაძლებელია ხელშეკრულება გაფორმდეს უცხოურ ვალუტაში, რომელიც განისაზღვრება ელექტრონული ვაჭრობის დღეს ეროვნული ბანკის მიერ დადგენილი ოფიციალური გაცვლითი კურსის შესაბამისად;

4.4. შემსყიდველი ორგანიზაციის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის შესაბამისად;

4.5. ანგარიშსწორება მოხდება უნაღდო ანგარიშსწორებით (ლარში-რეზიდენტის შემთხვევაში, ხოლო არარეზიდენტის შემთხვევაში შესაძლებელია უცხოურ ვალუტაში, რომელიც კონვერტირების შედეგად ჯამურად არ უნდა აღემატებოდეს ელექტრონული ვაჭრობის დროს გამარჯვებული პრეტენდენტის მიერ ლარში დაფიქსირებულ საბოლოო ფასს). ანგარიშსწორება განხორციელდება მიღება-ჩაბარების აქტის გაფორმების შემდეგ.

4.6. მიმწოდებლის მოთხოვნის საფუძველზე, შემსყიდველის თანხმობით, შესაძლებელია განხორციელდეს წინასწარი საავანსო გადახდა, ხელშეკრულების ღირებულების 30%. ასეთ შემთხვევაში წარდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების ან სადაზღვევო კომპანიის მიერ შემსყიდველთან შეთანხმებული ფორმის მიხედვით გაცემული საბანკო გარანტია. არარეზიდენტის შემთხვევაში შესაძლებელია წარმოდგენილ იქნას შესაბამისი ქვეყნის საბანკო ან

სადაზღვევო დაწესებულების მიერ გაცემული გარანტია, რომელიც დადასტურებული იქნება საქართველოს ეროვნული ბანკის მიერ ლიცენზირებული საბანკო დაწესებულების ან ლიცენზირებული სადაზღვევო კომპანიის მიერ. გარანტიის მოქმედების ვადა სულ მცირე 30 კალენდარული დღით უნდა აღემატებოდეს შესყიდვის ობიექტის მიწოდების ვადას. მიწოდების ვადის ნებისმიერი მიზეზით შეცვლის შემთხვევაში, გარანტიის ვადაც შესაბამისად უნდა შეიცვალოს.

#### **5. მიწოდების ვადები და პირობები:**

5.1. შესყიდვის ობიექტის მიწოდება თანმდევი მონტაჟით უნდა განხორციელდეს შესყიდვის შესახებ ხელშეკრულების გაფორმებიდან არაუმეტეს 90 კალენდარული დღის ვადაში.

5.2. შესყიდვის ობიექტის მიწოდების ადგილია: დავით აღმაშენებლის სახელობის ქუთაისის საერთაშორისო აეროპორტი და ქ. თბილისი, აეროპორტის დასახლება, შალვა ჭანკოტაძის ხეივანი N1, შპს საქართველოს აეროპორტების გაერთიანების ადმინისტრაციული შენობა.

#### **6. შემსყიდველ ორგანიზაციაში დედნის სახით წარმოსადგენი დოკუმენტაცია:**

6.1. ყველაზე დაბალი ფასის მქონე პრეტენდენტი ვადებულია წინადადებების მიღების ვადის დამთავრებიდან არაუგვიანეს 10 (ათი) სამუშაო დღის ვადაში შემსყიდველ ორგანიზაციაში წარმოადგინოს შესყიდვის ელექტრონული პროცედურის წინადადების უზრუნველყოფის 5%-იანი გარანტია.

#### **7. ინფორმაცია ელექტრონულ პროცედურაში მონაწილეობის:**

7.1. ელექტრონულ პროცედურასთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.

7.2. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

7.3. პრეტენდენტს არა აქვს უფლება წარმოადგინოს ალტერნატიული წინადადება.

7.4. წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარეშე).

7.5. წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

#### **8. დამატებითი ინფორმაცია:**

8.1. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

ელექტრონული პროცედურის კომისიის წევრი: ლევან აბაშიძე ტელ: 598 980 787; ელ-ფოსტა: [l.abashidze@airports.ge](mailto:l.abashidze@airports.ge)

*შენიშვნა: წინამდებარე დოკუმენტაციასა და საქართველოს მთავრობის 2020 წლის 18 სექტემბრის №587 დადგენილებით შპს „საქართველოს აეროპორტების გაერთიანების“ მიერ საქონლისა და მომსახურების შესყიდვის სპეციალური წესით (შემდგომში „სპეციალური წესი“) გათვალისწინებულ დებულებებს შორის განსხვავებების არსებობის შემთხვევაში უპირატესობა ენიჭება სპეციალური წესით დამტკიცებულ დებულებებს, რომლითაც უნდა იხელმძღვანელოს პრეტენდენტმა.*

## **შესყიდვის შესახებ ხელშეკრულების პროექტი**

ერთის მხრივ შპს „საქართველოს აეროპორტების გაერთიანება“ (შემდგომში „შემსყიდველი“) წარმოდგენილი მისი—— სახით და მეორეს მხრივ, ——— (შემდგომში „მიმწოდებელი“) წარმოდგენილი მისი დირექტორის—— სახით, შპს „საქართველოს აეროპორტების გაერთიანების“ მიერ საქონლისა და მომსახურების შესყიდვის სპეციალური წესის დამტკიცების შესახებ საქართველოს მთავრობის 2020 წლის 18 სექტემბრის №587 დადგენილების და პრეტენდენტის (მისი დასახელება) წინადადების საფუძველზე, ელექტრონული პროცედურის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

### **1. ხელშეკრულების საგანი**

1.1. შესყიდვის ობიექტს წარმოადგენს ქსელური უსაფრთხოების მოწყობილობის, კერძოდ, 3 (სამი) ერთეული „ახალი თაობის ფაერვოლის (NGFW)“ თანმდევი დანერგვისა და გამართვის მომსახურებით შესყიდვა თანდართული ელ.პროცედურის დოკუმენტაციის შესაბამისად.

### **2. ხელშეკრულების ფასი**

2.1. ხელშეკრულების საერთო ღირებულება შეადგენს ----- ლარს.

2.2. ხელშეკრულების საერთო ღირებულებაში შედის შესყიდვასთან და მიწოდებასთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები, რომელიც უნდა გადაიხადოს „მიმწოდებელმა“.

### **3. ხელშეკრულების განხორციელების ვადები და პირობები**

3.1. შესყიდვის ობიექტის მიწოდება თანმდევი მონტაჟით უნდა განხორციელდეს შესყიდვის შესახებ ხელშეკრულების გაფორმებიდან არაუმეტეს ----- ვადაში.

3.2. შესყიდვის ობიექტის მიწოდების ადგილია: დავით აღმაშენებლის სახელობის ქუთაისის საერთაშორისო აეროპორტი და ქ. თბილისი, აეროპორტის დასახლება, შალვა ჭანკოტაძის ხეივანი N1.

### **4. შესყიდვის ობიექტის მიღება-ჩაბარების წესი**

4.1. შესყიდვის ობიექტის მიღება მიწოდებისთანავე ფორმდება „მიღება-ჩაბარების“ აქტით. რის საფუძველზეც „მიმწოდებელი“ „შემსყიდველს“ წარუდგენს შესაბამის საგადასახადო დოკუმენტაციას.

### **5. ანგარიშსწორების პირობები**

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და წარმოდგენილი საგადასახადო დოკუმენტაცია.

5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის დასრულების შემდეგ 10 (ათი) სამუშაო დღის ვადაში.

5.4. ანგარიშსწორება მოხდება უნაღდო ანგარიშსწორებით (ლარში-რეზიდენტის შემთხვევაში, ხოლო არარეზიდენტის შემთხვევაში შესაძლებელია უცხოურ ვალუტაში, რომელიც კონვერტირების შედეგად ჯამურად არ უნდა აღემატებოდეს ელექტრონული ვაჭრობის დროს გამარჯვებული პრეტენდენტის მიერ ლარში დაფიქსირებულ საბოლოო ფასს). ანგარიშსწორება განხორციელდება მიღება-ჩაბარების აქტის გაფორმების შემდეგ.

5.5. მიმწოდებლის მოთხოვნის საფუძველზე, შემსყიდველის თანხმობით, შესაძლებელია განხორციელდეს წინასწარი საავანსო გადახდა, ხელშეკრულების ღირებულების 30%. ასეთ შემთხვევაში წარდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების ან სადაზღვევო კომპანიის მიერ შემსყიდველთან შეთანხმებული ფორმის მიხედვით. გარანტიის მოქმედების ვადა სულ მცირე 30 კალენდარული დღით უნდა აღემატებოდეს მიწოდების ვადას.

### **6. მხარეთა უფლებამოსილებანი**

6.1 „მიმწოდებელი“ ვალდებულია:

6.1.1 განახორციელოს ხარისხიანი მომსახურება ელექტრონული პროცედურის დოკუმენტაციით გათვალისწინებული პირობების შესაბამისად;

- 6.1.2 კეთილსინდისიერად შეასრულოს ნაკისრი ვალდებულება;
- 6.1.3 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 6.1.4 დაიცვას ხელშეკრულებით და სატენდერო დოკუმენტაციით გათვალისწინებული ყველა პირობა;
- 6.1.5 უზრუნველყოს შემსყიდველისთვის ხელშეკრულების საგანთან დაკავშირებული ყველა დოკუმენტის მიწოდება ასეთის არსებობის შემთხვევაში;
- 6.1.6 გაიზიაროს პასუხისმგებლობა მიწოდებული მომსახურების დადგენილ სტანდარტებთან და ხარისხთან შესაბამისობაზე;
- 6.1.7 გამოვლენილი ნაკლი აღმოფხვრას საკუთარი ხარჯით;
- 6.1.8 შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს;
- 6.1.9 პირადად განახორციელოს ხელშეკრულებით ნაკისრი ვალდებულებები;
- 6.2 **„შემსყიდველი“ ვალდებულია:**
  - 6.2.1 უზრუნველყოს მიმწოდებლისათვის საფასურის გადახდა ხელშეკრულების შესაბამისად;
  - 6.2.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 6.3 **„მიმწოდებელს“ უფლება აქვს:**
  - 6.3.1 ხელშეკრულების ფარგლებში მოითხოვოს საფასურის დროული და სრული ანაზღაურება.
- 6.4 **„შემსყიდველს“ უფლება აქვს:**
  - 6.4.1 აწარმოოს ხელშეკრულების პირობების შესრულების მონიტორინგი;
  - 6.4.2 არ მიიღოს უხარისხო შესრულება;
  - 6.4.3 მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;
  - 6.4.4 შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

## **7. ხელშეკრულების პირობების გადასინჯვა**

- 7.1 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 7.3 ცვლილების მიმღები მხარე ვალდებულია განიხილოს შემოთავაზებული ცვლილება და წერილობითი პასუხით აცნობოს ცვლილების ინიციატორს თავისი პოზიციის შესახებ. აღნიშნულ ვადაში პასუხის გაუცემლობა ნიშნავს უარს ინიცირებულ ცვლილებებზე.
- 7.4 ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

## **8. ხელშეკრულების შესრულების შეფერხება**

- 8.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუფხავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.
- 8.2. შეტყობინების მიმღებმა მხარემ 2 (ორი) დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.
- 8.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.
- 8.4. იმ შემთხვევაში, თუ ხელშეკრულების პირობების შესრულების შეფერხების გამო მხარეები ხუთი დღის ვადაში ვერ შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე ხუთი დღის გასვლისთანავე მიმწოდებელს ეკისრება ხელშეკრულების გათვალისწინებული პირგასამტეხლო.



## **9. ფორს-მაჟორი**

9.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერგო მომარაგების (ბუნებრივი აირი, ელექტროენერგია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ზღოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

9.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

9.3 თუ ფორს-მაჟორული გარემოება გაგრძელდა 10 (ათი) დღეზე მეტ ხანს შემსყიდველი უფლებამოსილია ცალმხრივად შეწყვიტოს ხელშეკრულება.

## **10. ხელშეკრულების პირობების შეუსრულებლობა**

10.1. ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.

10.2. ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში შემსყიდველს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.

10.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

10.4. ამასთან, ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება ერთჯერადი ჯარიმა ხელშეკრულების ღირებულების 10%-ის ოდენობით.

## **11. ხელშეკრულების შეწყვეტა**

11.1 ხელშეკრულება შეიძლება შეწყვეტილ იქნეს:

11.1.1. ურთიერთვალდებულებების შესრულებით;

11.1.2. მხარეთა შეთანხმებით;

11.1.3. ცალმხრივად შემსყიდველის მიერ;

11.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

11.2. **ხელშეკრულება შემსყიდველის მიერ ცალმხრივად შეიძლება იქნას შეწყვეტილი თუ:**

11.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2. მიმწოდებელი სისტემატიურად და/ან უხეშად არღვევს ხელშეკრულების პირობებს;

11.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;

11.2.4. მიმწოდებლის მიმართ გადახდისუუნარობის საქმის აღძვრის შემთხვევაში;

11.2.5. შემსყიდველისათვის ცნობილი გახდება, რომ მიმწოდებლის მიერ ტენდერის დროს წარდგენილი საკვალიფიკაციო მონაცემების დამადასტურებელი დოკუმენტი/ები ყალბია;

11.2.6. საქართველოს კანონმდებლობით გათვალისწინებულ სხვა შემთხვევებში.

## **12. ინსპექტირების პირობები**

12.1. ხელშეკრულების შესრულების -----

12.2. კოორდინატორის ფუნქციებია:

12.3. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

12.4. მენეჯერის ფუნქციაა ასევე სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან მიღება-ჩაბარების აქტის ხელმოწერა.

## **13. გარანტია**

13.1. საგარანტიო შესყიდვის ობიექტის საგარანტიო ვადა შეადგენს შესყიდვის ობიექტის საბოლოო მიღებიდან არანაკლებ -- წელს. საგარანტიო მომსახურების ვადის ათვლა დაიწყება მიღება-ჩაბარების აქტის გაფორმებიდან.

13.2. „მიმწოდებლის“ მიერ საქონელი მოწოდებული უნდა იქნეს იმ გარანტიით, რომ შესყიდვის ობიექტი საგარანტიო ვადის პერიოდში, სწორი მოხმარების პირობებში არ გახდება უვარგისი ექსპლუატაციისათვის და შეინარჩუნებს კარგ საექსპლუატაციო თვისებებს. შესყიდვის ობიექტს არ უნდა გააჩნდეს უფლებრივი ან/და ნიეთობრივი ნაკლი.

13.3. მიწოდებული შესყიდვის ობიექტის საგარანტიო ვადის მოქმედების პერიოდში ხარვეზის, არაშემსყიდველის ბრალეულობით დაზიანების და დეფექტის მქონე საქონლის, მათ შორის საექსპლუატაციო თვისებების ვადაზე ადრე გაუარესების დაფიქსირების შემთხვევაში, შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან საქონლის შეცვლა ახლით. აღნიშნულის შესახებ „შემსყიდველი“ ატყობინებს „მიმწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით), მიმწოდებლის ელექტრონულ სისტემაში ატვირთულ რეკვიზიტებში მითითებულ ელ. ფოსტის მისამართზე.

13.4. გარანტია უნდა მოიცავდეს როგორც დაზიანებული ნაწილის ახლით შეცვლას, ისე სერვისს.

13.5. მიმწოდებელმა საგარანტიო მომსახურეობის საჭიროების შემთხვევაში პირველადი დიაგნოსტიკური შემოწმება და შეკეთება, ან ახლით შეცვლა უნდა განახორციელოს შეტყობინებიდან არაუგვიანეს 45 დღის ვადაში.

## **14. ხელშეკრულების ვადა**

14.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს -- -----. აღნიშნული ვადა არ ვრცელდება ხელშეკრულების მე-14 მუხლით დადგენილ პირობებზე.

## **15. დავების გადაწყვეტა**

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

15.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით;

15.3. თუ შეთანხმება ვერ მოხერხდება, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

## **16. დასკვნითი დებულებები**

16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე;

16.2. ხელშეკრულება შედგენილია 2 ეგზემპლარად ერთი შემსყიდველისთვის, ხოლო ერთი - მიმწოდებლისათვის. ყველა ეგზემპლარს აქვს თანაბარი იურიდიული ძალა.

16.3. ხელშეკრულების ერთვის დანართი - ფასების ცხრილი.

## **17. რეკვიზიტები**

წინადადების ფასი და ფასების ცხრილი

\_\_\_\_\_

(შევსების თარიღი)

\_\_\_\_\_საქონელს გთავაზობთ  
 \_\_\_\_\_ (\_\_\_\_\_) ლარად (დღგ-ს გარეშე).  
 (თანხა ციფრებით) (თანხა სიტყვიერად)

(პრეტენდენტის დასახელება)

| შესყიდვის ობიექტის დასახელება | ტექნიკური<br>მახასიათებლები<br>მწარმოებელი ქვეყნის,<br>მწარმოებელი კომპანიისა<br>და მოდელის მითითებით | რაოდენობა | ერთეულის<br>ფასი | საერთო<br>ფასი |
|-------------------------------|-------------------------------------------------------------------------------------------------------|-----------|------------------|----------------|
|                               |                                                                                                       |           |                  |                |

პრეტენდენტის ხელმოწერა \_\_\_\_\_

## ელექტრონული პროცედურის წინადადების უზრუნველყოფის გარანტია

ვითვალისწინებთ რა, რომ \_\_\_\_\_  
 (პირი, რომელზეც გაიცემა საგარანტიო წერილი)  
 (შემდგომში "პრეტენდენტი") მზად არის წარმოადგინოს თავისი წინადადება  
 \_\_\_\_\_ კომისიის მიერ \_\_\_\_\_ შესყიდვაზე  
 (შემსყიდველი ორგანიზაციის დასახელება) (საქონლის დასახელება)

გამოცხადებულ ელექტრონულ პროცედურაში მონაწილეობის მისაღებად, ჩვენ  
 \_\_\_\_\_ (შემდგომში "ბანკი")  
 (ბანკის დასახელება)

### ვადასტურებთ, რომ

ვიღებთ ვალდებულებას *შპს „საქართველოს აეროპორტების გაერთიანების“* (შემდგომში "შემსყიდველი")  
 წინაშე, რომლის მიხედვითაც დროულად და სრულად უზრუნველყოფთ შემსყიდველისათვის  
 (შემსყიდველი ორგანიზაციის დასახელება) \_\_\_\_\_  
 (თანხა ციფრობრივად,  
 სიტყვიერად)

გადახდას შემდეგ შემთხვევებში:

1. თუ პრეტენდენტი გამარჯვების შემდეგ უარს იტყვის ან სხვაგვარი ქმედებით უარს განაცხადებს შემსყიდველთან ხელშეკრულების გაფორმებაზე;
2. პრეტენდენტი, გამარჯვების შემთხვევაში, არ წარადგენს ხელშეკრულების შესრულების გარანტიას;
3. მოხდება მისი დისკვალიფიკაცია შესყიდვის ელექტრონული პროცედურის დროს არაკეთილსინდისიერი ქმედების ჩადენის გამო;
4. პრეტენდენტი უარს იტყვის თავის სატენდერო წინადადებაზე.

გარანტია ძალაში რჩება \_\_\_\_\_ მდე\* .  
 (თარიღი)

\*გარანტიის მოქმედების ვადა უნდა იყოს არანაკლებ 120 დღე ელექტრონულ პროცედურაში წინადადებების მიღების დაწყების დღიდან; ბანკი უზრუნველყოფს საგარანტიო თანხის გადახდას შემსყიდველის წერილობითი მოთხოვნის მიღებისთანავე, შემსყიდველის მხრიდან ყოველგვარი მტკიცებულებების წარმოდგენის გარეშე, იმ პირობით, რომ შემსყიდველის მოთხოვნაში მითითებული იქნება რომელი ზემოაღნიშნული შემთხვევის (შემთხვევების) დადგომის გამო ეკუთვნის მას ეს თანხა. შემსყიდველის მოთხოვნა საგარანტიო თანხის გადახდაზე ბანკს წარედგინება გარანტიის მოქმედების ვადის დასრულებამდე.

\_\_\_\_\_  
 (ხელმოწერა)

\_\_\_\_\_  
 (სახელი, გვარი, თანამდებობა)

დამოწმებულია ბანკის ბეჭდით \_\_\_\_\_ 20\_\_ წ